



Pa prome biaha.....Sharon Rose den Scol di Arte **Diadomingo 10 di maart ..relaciona cu luna nacional di Aruba**

RECIEN Minister di Cultura Sra. Hooyboer Winklaar a proclama luna di maart como luna nacional di Aruba. Scol di Arte su celebracion lo ta dia diadomingo 10 di maart. E artista grandi di Aruba cu lo ta presente ariba stage den Scol di Arte ta Sharon Rose. No ta prome biaha Sharon ta honra San Nicolas su presencia artistico. Pero si por bisa cu ta prome biaha den historia cu Sharon Rose lo ta den Scol di Arte cu cancionnan pa nos conmemora hunto nos luna nacional.

Sharon Rose sigur ta un artista hopi conoci na Aruba y cu hopi aña di experiencia. Ariba e bunita dia aki Sharon lo brinda Aruba su propio cancionnan den cua entre otro e ultimo cancion cu cua Sharon a gana e festival di Himno y bandera recién y cu a gana curason di ful Aruba cu e tremendo letranan. Cancionnan di compositornan conoci manera Padu Lampe sigur no

ta bay keda afo. Entrada manera custumber di Scol di Arte lo ta solamente 10 florin pa persona. Y e show lo cuminsa pa 2or di atardi. Tur hende ta invita pa pasa un bunita dia historico cu Sharon Rose. Pa garantisca cu publico por keda den gara di Sharon su bos, ta informa encarecidamente cu no por permiti mucha bou di 10 aña.

Prome cu e show si esta durante oranan di mainta esta di 10or pa 1or lo tin weganan popular pa tur mucha. Premionan lo ta buki di UNOCA. Lo tin algo refresco y snacks pa wanta e stomanan un tiki. Carchi obtenibel na UNOCA y Scol di arte. Pa mas informacion tuma contacto cu UNOCA na 583-5681 of scol di arte na 584-9168. Tur hende por fabor tuma na cuenta cu Scol di Arte su sala ta tuma maximo 100 persona. Esun cu bin prome ta bebe awa limpi.